



Broj: 01,02-02-1-1352/19

Sarajevo, 26. 8. 2019.

Parlamentarna skupština BiH

Kolegij Predstavničkog doma

Ustavnopravna komisija Predstavničkog doma

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 27-08-2019			
Organizaciona jedinica	Klasifikaciona oznaka	Redni broj	Broj priloga

Predmet: Prijedlog zakona o Budžetu institucija Bosne i Hercegovine i međunarodnih obaveza Bosne i Hercegovine za 2019. godinu - *Mišljenje*, dostavlja se

Veza: akt, broj: 01,02-02-1-1352/19 od 1. 8. 2019.

Zakonodavno-pravnom sektoru, u prilogu akta broj i datum veze, dostavljen je *Prijedlog zakona o Budžetu institucija Bosne i Hercegovine i međunarodnih obaveza Bosne i Hercegovine za 2019. godinu* (u daljnjem tekstu: Prijedlog zakona), radi davanja mišljenja o usklađenosti Prijedloga zakona s članom 105. Poslovnika Predstavničkog doma Parlamentarne skupštine BiH (u daljnjem tekstu: Poslovnik Predstavničkog doma)¹ te Jedinstvenim pravilima za izradu pravnih propisa u institucijama BiH² (u daljnjem tekstu: Jedinstvena pravila).

Na osnovu člana 106. st. (1) i (2) Poslovnika Predstavničkog doma, Zakonodavno-pravni sektor daje

MIŠLJENJE

I. Usklađenost s odredbama Poslovnika Predstavničkog doma

Nakon uvida, konstatira se da je Prijedlog zakona podnesen u skladu s članom 105. stav (1) Poslovnika Predstavničkog doma, u pisanoj i elektronskoj formi, na jezicima koji su u službenoj upotrebi u Bosni i Hercegovini.

Uz Prijedlog zakona dostavljeno je obrazloženje koje *ne sadrži* sve elemente propisane članom 105. stav (3) tač. c) i e) Poslovnika Predstavničkog doma, i to:

- *principe* na kojima je zasnovan predloženi tekst;
- *mišljenja* Direkcije za evropske integracije o usklađenosti Prijedloga zakona s pravnoobavezujućim normama EU i drugih institucija i organizacija koje su konsultirane tokom njegove izrade.

¹ „Službeni glasnik BiH“, br. 79/14, 81/15 i 97/15

² „Službeni glasnik BiH“, br. 11/05, 58/14, 60/14, 50/17 i 70/17

Naime, predlagač je, u vezi sa usklađenošću s evropskim zakonodavstvom, naveo da ne postoji pravno naslijeđe u ovoj oblasti, te se nije ni vršilo usaglašavanje s evropskim zakonodavstvom, a da su tokom izrade Prijedloga zakona obavljene konsultacije s nadležnim entitetskim organima i budžetskim korisnicima.

S obzirom na to da je riječ o novom tekstu Prijedloga zakona, odredba člana 105. stav (5) Poslovnika Predstavničkog doma nije primjenjiva.


S obzirom na navedeno, Prijedlog zakona *nije usklađen* s članom 105. Poslovnika Predstavničkog doma.

II. Usklađenost s Jedinstvenim pravilima

Prijedlog zakona svojom strukturom, formom i stilom odražava pravila izrade pravnih propisa i *usklađen* je s Jedinstvenim pravilima za izradu pravnih propisa u institucijama BiH.

Ipak, skreće se pažnja na očiglednu tehničku grešku u članu 24. Prijedloga zakona koja se odnosi na naziv Zakona o izbjeglicama iz BiH i raseljenim licima u BiH, na bosanskom jeziku, jer riječ „licima“ treba zamijeniti riječju „osobama“, kako je u izvornom nazivu Zakona to i navedeno.

Rukovoditeljica
Zakonodavno-pravnog sektora


Mirjana Kutanjac

Dostaviti:

1. naslovu
2. a/a